

劔南詩彙目錄

卷第二十

上書乞祠

春殘

三月二十日

晚酌

次前韻

北窗閒詠

休日畱園中至莫

乃歸

北窗病起

自東津泛舟至桐溪

迂客至大浪灘上

郊行 夏雨

雨

中作

醉題

有懷青城霧中道友

梅

雨初晴迂客東郊

晚歸

休日登千峯

劔南詩彙

卷廿目

汲古閣

榭遇大風雨氣象甚偉

雨中獨坐

舊

識姜邦傑于亡友韓无咎許近屢寄詩來

且以无咎平日倡和見示讀之悵然作此

詩附卷末

釣臺見送客罷還舟熟睡至

覺度寺

泛富春江

宿漁浦

泝小江

飯舟中

乞祠久未報

七月十日到故

山削瓜瀹茗翛然自適

曉興

感秋

秋夜有感

五鼓入城

飯罷忽隣父來

過戲作 秋夜讀書 夜坐忽聞村路報

曉鐵牌二首 白雲自西來過書巢南窗

贈竹十韻 雜感五首 入城寓榻開元

夜出偏門還王山 四鼓酒醒起步庭下

感憤秋夜作 反感憤 東坐 雨夜

四鼓起坐至明 夜讀兵書 老歎 秋

霽 坐中聞急雨 老病追感壯歲讀書

之樂作短歌 閒中戲書三首 采藥 過

劍南詩藁

卷廿二

汲古閣

猷講主桑瀆精舍 自桑瀆泛舟歸三山

訪野人家 塞上曲四首 硯湖并序 泛

湖 寓蓬萊館二首 夜還驛舍 舟中大

醉偶賦長句 行飯至新塘夜歸 雲門

感舊 若耶溪上二首 秋雨頓寒偶書

新晴泛舟至近村偶得雙鯪而歸 上書

乞祠輒述鄙懷 泛湖上雲門 書歎

枕上作 老病無復宦情或者疑焉作此

示之 拄杖 北望 歲晚感懷 大雨

中作 繫舟平水步 初到行在 還都

宿監中偶作 四鼓出嘉會門赴南郊

坐宮 題張野夫監簿大招圖 簡譚德

稱監丞 致坐監中夜與同官縱談鬼神

效宛陵先生體 夜歸 次韻鄭唐老

五鼓赴太社臘祭 已酉元日 送潘德

久使薊門 我夢 晨起有感 南省宿

劔南詩橐

卷廿目
三

汲古閣

直二
首

劔南詩橐目錄

卷二
十終

劔南詩藁卷第二十

上書乞祠

上書又乞奉祠歸夢到湖邊自叩扉此去敢辭
依馬磨向來真慣擁牛衣致身途遠年齡算報
國心存氣力微誓墓那因一懷祖人間處處是
危機

春殘

老墮空山裏春殘白日長庸醫司性命俗子議

劔南詩藁

卷之廿

汲古閣

文章燭映一池墨風飄半篆香箇中有佳處袖
手看人忙

三月二十日晚酌

暫因賜沐作閑身太息纔餘一日春委地落花
新著雨穿簾歸燕不生人衛青此日怪長揖玉
翰當年謀卜鄰商略晚窗須小醉朱櫻青店正
嘗新

次前韻

烏帽紅塵過去身
荒野山野水又經
春殘年欲盡
初聞道薄宦宜休
不問人一局枯碁
忘日月數
斟濁酒約比鄰
石帆山下菱歌斷
未歎臨風白髮新

北窗閑詠

陰陰綠樹雨餘香
半捲疎簾置一牀
得祿僅償賒酒券
思歸新草乞祠章
古琴百衲彈清散
名帖雙鉤榻硬黃
夜出灞亭雖跌宕
也勝歸作老劔南詩豪

卷之廿二

汲古閣

馮唐

休日畱園中至暮乃歸

儘道官身屬太倉
未妨寄傲向林塘
綠波春漲羣魚樂
清露晨流蔓草香
閑試名弓來射圃
醉盤驕馬出毬場
長城萬里知誰許
看鏡空悲兩鬢霜

北窗病起

一飢可忍萬緣輕
况復幽窗疾漸平
夏事天公

終賞識欺人鬼子漫縱橫道邊塵起頻障扇門
外波清剝濯纓不爲褊心憎薄俗客星祠下是
歸程

自東津泛舟至桐溪

潮生東西津雨暗上下塢蕭蕭亂菰蒲拍拍起
鳧鴨吾船雖褊小尚可著一榻溪風吹醉頰高
枕墮紗帽南山浮溼翠偃蹇呼不答安得青蓮
公傑句爲彈壓

劔南詩藁

卷之廿
三

汲古閣

迂客至大浪灘上

小壘瓜蔓綠短籬梅子黃曉風掠水來吹我醉
面涼平生蕭散意未覺將迎忙溪山供一笑客
王可相忘寧當倒手版聊復據胡床太平豈無
象麥飯家家香我歸亦何有養氣猶軒昂那因
五斗陳坐變百鍊剛

郊行

小雨東郊氣象新蕭蕭清吹爽衣巾竝谿密竹

巧藏寺夾道新麻高沒人老厭簿書愁欲睡病
疎孟酌渴生塵桐君山路無多遠元自知津莫
問津

夏雨

東風吹雨溪上來北山出雲以應之嚴州城中
三日雨朝暮點滴無休時向來秧底乾欲裂白
水漫漫俄盈陂豚肩覆豆巫醉飽龍骨挂壁農
邀嬉今年蠶麥收數倍繭大如瓮麥兩岐西成

劔南詩豪

卷之廿四

汲古閣

在眼又如此還鄉鼓腹歌淳熙

時去受代纔四十日

雨中作

礎潤雲生五月中山城細雨晚空濛讀書雖恨
此身老把酒尚思吾輩同積潤畫圖昏素壁漬
香衣憤覆熏籠新晴不用占鍾鼓臥聽林梢淅
淅風

醉題

不學空門不學仙清樽隨處且陶然人情正可

付一笑生世元知無百年白首難陪東閣客清
風自足北窗眠歸耕只要無人問安用文章海
內傳

有懷青城霧中道友

雪谷孤松自鬱然紛紛朝菌但堪憐坐更拂石
芥城劫時說開皇龍漢年淡煮藜羹天送供閑
拖藤杖地行仙共看玉室中興後夏約長安一
醉眠

劔南詩藁

卷之廿
五

汲古閣

梅雨初晴迂客東郊

霽色澄鮮已斷梅江郊隱尚輕雷層巒正對
孤城落健席遙看大扁來幼婦髻鬟簪早稻近
村坊店賣新醅吾行在處皆詩本錦段雖殘試
剪裁

晚歸

暑雨初晴日江臯欲暮天鴉棲沙際樹人喚渡
頭舩病骨羸將折昏眸困欲眠市橋燈火鬧且

假喜豐年

休日登千峯榭遇大風雨氣象甚偉

今日逢休沐憑高且暫門風聲初捲野雨氣已
吞山疾病臨觴嬾塵埃得句慳西征忽在眼河
勢抱函關

雨中獨坐

馬目山頭雨脚昏龍津橋下浪花翻年豐郡僻
無公事一炷清香晝掩門

劔南詩豪

卷之廿六

汲古閣

舊識姜邦傑於亡友韓无咎許近屢寄詩
來且以无咎平日倡和見示讀之悵然作

此詩附卷末

須溪本作嚴州贈姜梅山

故人玉骨已生苔

謂南澗公

邂逅逢君亦樂哉湖寺

繫舟無夢去京塵馳騎有詩來醉中不敢教兒
誦看處常須浴手開久矣世間無健筆相期力
斡萬鈞回

釣臺見送客罷還舟熟睡至覺度寺

抽身簿書中茲日睡頗足縹緲桐君山可喜忽
在目紛紛衆客散杳杳一筇獨管如脫淵魚今
如走山鹿詩情森欲動茶鼎煎正熟安眠簟八
尺仰看帆十幅逍遙富春飯放浪漁浦宿送老
水雲鄉羹藜勿思肉

泛富春江

雙舫搖江疊鼓催伯符故國喜重來秋山斷處
望漁浦曉日昇時離釣臺官路已悲捐歲月客

劔南詩彙

卷之廿七

汲古閣

衣仍悔犯風埃還家正及雞豚社剡伴鄰翁笑
口開

宿漁浦

東歸剡曲只三程旅泊還如萬里行燈影動搖
風不定船聲鞳鞳浪初生曳裾非復白頭事瞑
目那求青史名歸去若爲消募境一蓑煙雨學
春耕

沂小江飯舟中

老作孤舟客，秋濤漲小江。
林昏見飛燐，村近有驚龍。
天濶三更月，篷低一尺窗。
魚殮雖草草，聊喜到吾邦。

乞祠久未報

聖朝未許領，叢祠擁褐清。
羸不自支，鄧禹有靈應。
笑拙周公無夢固，知衰得閑要及身。
安日死，應無睡足時。
七百日來塵滿抱，今朝禴祓有新詩。

劔南詩藁

卷之廿八

汲古閣

七月十日到故山，削瓜滌茗翛然自適。

鏡湖清絕勝吳松，家占湖山第一峯。
瓜冷霜刀開碧玉，茶香銅碾破蒼龍。
壯心自笑老猶在，狂態極知人不容。
擊壤窮閭歌帝力，未妨堯舜亦親逢。

曉興

亂蟬嘒新秋，老木立清曉。
我亦岸綸巾，寄傲萬物表。
大千藏粒粟，浩劫過飛鳥。
癡子居其間，利物

欲自纏繞可憐榮進意未向蓋棺了浮名更嚇
鬼白聖寫丹旒我於斯世事看破自少小老矣
更何求歸哉憩林沼

感秋

會稽八月秋始涼梧桐葉落覆井床月明縞樹
遶驚鶻露下溼草啼寒螿丈夫行年過六十日
月雖短志意長匣中寶劍作雷吼神物那得終
摧藏君不見晉時東都宗大尹義感百萬虎與

劍南詩藁

卷之廿九

汲古閣

狼疾危尚念起擊賊大呼過河身已僵

宗汝霖
垂死尚

奇勒諸將北伐忽大呼
過河者三隨卽殞絕

秋夜有感

候蟲何唧唧歲晚聲出壁不惟嬾婦驚感此白
頭客壯年事征戍萬里不得息揚颿凌秋濤策
馬赴山驛日照蛟鼉涎雪印豺虎迹誰知七尺
軀幸脫九死厄前年補畿郡入對瞻玉色報恩
無死所再拜哀淚滴卽今故山歸愈歎老境逼

不眠中夜起仰視星歷歷中原何時定銅駝臥
荊棘滅胡恨無人有復不易識

五鼓入城

道旁竹樹露如傾帶睡悠悠十里行曉色未分

煙尚重壓城樓閣已崢嶸

飯罷忽隣父來過戲作

旋炊香稻鬻新菰飯飽逍遙樂有餘茶味森森
畱齒頰香煙齟齬著圖書毛皮尚在寧知我鱗

劔南詩藁

卷之廿
十一

汲古閣

甲深藏莫問渠賴有鄰翁差耐久雨畦頻喚共
攜鉏

秋夜讀書

一雨濯殘熱秋氣忽已深青燈照空廊重露滴
高林危坐讀周易會我平生心夜分徐掩卷閑
弄床上琴簾外初斜河屋頭已橫參人生每如
此利欲安能侵

夜坐忽聞村路報曉鐵牌

何人叩鐵警農耕炊飯家家起五更也似早朝
風雪裏遙聽宮漏下宮城再長眠
秋氣淒涼霧雨昏老書生病臥孤村五更不用
元戎報片鐵錚錚自過門
白雲自西來過書巢南窗
岷山千里青未了恨隔長江不到吳羈雲冉冉
吾舊識安得挽之來坐隅

劔南詩藁

卷之廿一

汲古閣

贈竹十韻

放翁小築湖西偏虛窗曲檻無炎天人間乃有
眞富貴遶舍十萬碧玉椽連林娟娟泫清露高
枝裊裊搖蒼煙常憂俗客觸新粉屢戒園丁傷
逸鞭涼生尊尊消午醉聲撼窗扉驚晝眠春殘
斲土得美茁氣壓卿相食萬錢爾來作吏若墮
窀每一夢到心悽然還家再見却恹恹塵土何
地從臞仙囊中幸藏餐玉法欲屏萬事相周旋

更當待月出東嶺坐石泠泠揮響泉

雜感

自古文章與命仇功名身外更悠悠一從識得
元無事窮死逢人不說愁

又

小軒幽檻雨絲絲種竹移花及此時客去解衣
投臥榻半醒半醉又成詩

又

劔南詩藁

卷之廿
十二

汲古閣

少年意氣與春爭朱彈金鞭處處行誰信卽今
空谷裏旋租黃犢學躬耕

又

自洗銅壺試玉醅小軒風月爲徘徊此心未與
年俱老猶解逢花眼暫開

又

側帽垂鞭小陌東名花迎笑一枝紅啼鸚驚斷
尋春夢惆悵新霜點鬢蓬

入城寓榻開元

羸僮倦馬困長堤借榻禪房日未西熟睡覺來
閒隱几庭楸陰轉乳鴉啼

夜出偏門還三山

月行南斗邊人歸西郊路水風吹葛衣草露溼
芒屨漁歌起遠汀鬼火出破墓淒清醒醉魂荒
怪入詩句到家夜已半佇立叩蓬戶穉子猶讀
書一笑慰遲暮

劔南詩橐

卷之廿
十三

汲古閣

四鼓酒醒起步庭下

酒解夜過半出門步中庭天高河漢白月淡煙
霧青重滴竹杪露疎見樹罅星壞甃啼寒醬深
竹明孤螢秋晚雖未霜蠹葉時自零四序逝不
畱慨然感頽齡平生茅一把不博帶萬釘鴟溝
謝拍拍鴻路追冥冥

感憤秋夜作

月昏當戶樹突兀風惡滿天雲往來太阿匣藏

不見用孤憤書成空自哀吾輩赤心本貫日管
人白骨今生苔榮河溫洛不可見青海玉關安
在哉

反感憤

明夜讀前作而悲
乃復作此自解

膊膊庭樹雞初鳴噉噉天衢雁南征百年朝露
豈長久萬事浮雲常變更出處有心終有愧聖
賢無命亦無成西疇雖薄可自力雙犢且當棄

雨耕

劔南詩彙

卷之廿
十四

汲古閣

東壘

著脚紅塵已恨深便應畢世住山林貴人自作
宣明面老子曾聞正始音議論坐狂當永棄簿
書緣病復難任東壘幽寂憑誰画開幔床橫一
素琴

雨夜四鼓起坐至明

門巷冷如冰生涯淡似僧小窗愁夜雨孤影怯
秋燈林鶴棲仍起山童喚不磨悠然坐待旦息

倦倚書勝

夜讀兵書

八月風雨夕千載孫吳書老病雖憊甚壯氣頗
有餘長纓果可請上馬不躊躇豈惟鑿臯蘭直
欲封狼居萬乘久巡狩兩京盡丘墟此責在臣
子憂愧何時攄南鄭築壇塲隆中顧州廬邂逅
未可知旄頭方掃除

老嘆

全世

劔南詩橐

卷之廿
十五

汲古閣

百年逝不畱萬事本難料夜行鍾漏迫但取賢
達笑頗疑功名事造物付年少歸休莫問人曉
鏡勤自照

秋霽

灑氣明山川霽色滿天地西風吹我衣忽有萬
里意中原運當平所要任得士餘年猶幾何棄
置復棄置

坐中聞急雨

一味疎慵養不才，飯蔬亦已罷銜盃。
衡茆終日人聲絕，臥聽芭蕉報雨來。

老病追感壯歲讀書之樂作短歌

少年志力強文史，富三冬但喜寒夜永。
那知睡味濃，庭樹風淅淅。城樓鼓鼙鼙，
自鞭不少貸。凍坐聞晨鐘，探義劇攻玉。
摛文笑雕龍，落紙筆縱橫。圍坐書疊重，
得意自吟諷。清悲畚莎蚤，飢腸得一甃。
美如紫駝峰，俯仰五十年。干世終不逢，
劔南詩橐

卷之廿十六

汲古閣

夜半起飯牛，頽然成老農。束書不更讀，
蠹簡流塵封。世無袁伯業，太息吾何從。

閑中戲書

糲飯從來不願餘，還山喜遂此心初。
挽河盡洗彈冠念，閉戶閑讐插架書。
一榼不妨從客飲，數椽也復是吾廬。
少游細看猶多事，安用人間下澤車。

又

少年拜舞綴庭紳曾見中天日月新金印終歸
妄按尉白頭仍是斥仙人修營香火三生願收
拾風波九死身豈但漁樵與爭席海邊漚鳥亦
相親

又

釣竿風月寄滄洲醉髮髭髭荻葉秋仕進世誰
知我嬾功名命不與人謀衰遲更覺歲時速疎
賤空先天下憂病骨未銷讒未已聊須周易著

劔南詩藁

卷之廿
十七

汲古閣

牀頭

采藥

簣子編成細箸新獨穿空翠上嶙峋丹砂巖際
朝暎日枸杞雲間夜吠人絡石菖蒲蒙綠髮纏
松薜荔長蒼鱗金貂謁帝我未暇且作人間千
歲身

過猷講主桑瀆精舍

寂莫衡門傍水開放翁曳杖此徘徊林疎時見

釣篷過風急忽聞菱唱來講罷繩床懸塵柄
餘童子供茶盃解衣許我閒摩腹又作幽窗夢
一回

自桑瀆泛舟歸三山

端爲身閑覺日長不嫌兒輩笑清狂湖光瀲灩
歸舟疾雨點霏霏醉頰涼斷竹苔生人喚渡孤
村霜近稻登場宦情不獨今年薄游子從來念
故鄉

劔南詩橐

卷之廿
十八

汲古閣

訪野人家

山入柴門窄橋通野路長羣童挑燕筍幼婦采
雞桑淳古非今俗畱連到夕陽盤飧敢辭飽滿
箸藥苗香

塞上曲

秋風獵獵漢旗黃曉陌霜清見太行車載擅廬
駝載酒漁陽城裏作重陽

又

將軍許國不懷歸又見桑乾木葉飛
要識君王念征戍新秋已報賜冬衣

又

金鼓轟轟百里聲繡旗寶馬照川明
王師仗義從天下莫道南兵夜斫營

又

老矣猶思萬里行翩然上馬始身輕
玉關去路心如鐵把酒何妨聽渭城

劍南詩藁

卷之廿
十九

汲古閣

硯湖

并引

余得英石數峯環立其中凹處可容一
龕因以瀦水代硯滴名之曰硯湖且爲

賦詩

羣山環一湖湖水綠溶漾微風掠窗過亦解生
細浪餘流浸翠麓倒影寫青嶂自然出天工豈
復煩巧匠病夫屏盃酌不遣運酒舫時時挹清
泚筆墨助豪宕帖成龍蛇走詩出雷雨壯從今

几硯旁一掃蟾蜍樣

泛湖

筆牀茶竈釣魚竿
歛歛平湖淡淡山
浪說枕戈心萬里
此身常在水雲間

寓蓬萊館

桐葉吹殘蕉葉黃
驛窗微雨送淒涼
長安許史無平素
莫恨棲棲立路旁

又

劔南詩橐

卷之廿
二十

汲古閣

古驛蕭蕭獨倚闌
角聲催晚雨催寒
殘年遇合應無日
猶說新豐強自寬

夜還驛舍

樓上蓼蓼初發更
斷雲收雨旋成晴
市橋新漲搖燈影
驛路殘泥壯屐聲
闐闐變遷非曩日
情懷牢落感餘生
高秋病起猶能醉
剗買官醅樂太平

舟中大醉偶賦長句

過江何敢號高流，偶與俗人風馬牛。
畫檝新搖巖瀨月，清尊又醉戴溪秋。
壯心無復在千里，老氣尙能橫九州。
古寺試求三丈壁，爲君驅筆戰蛟虬。

行飯至新塘夜歸

門前徙倚尙餘霞，湖上歸來月滿沙。
雲濤一聲新到雁，林昏數點後棲鴉。
淒淒迷籬落，開寒菊。鄭重比隣設夜茶。
早議挂冠君會否，莫年心念不劔南詩橐。

卷之廿一

汲古閣

容差

雲門感舊

總角來遊老未忘，昔人歲月去堂堂。
穉松看到偃霜蓋，廢寺憶曾開寶坊。
佛几古燈寒焰短，齋厨新粟午炊香。
興闌未忍登車去，更倚溪橋立夕陽。

若耶溪上

微官元不直鱸魚，何況人間足畏途。
今日溪頭

慰心處自尋白石養菖蒲

又

九月霜風吹客衣溪頭紅葉傍人飛
村場酒薄何妨醉菰正堪烹蟹正肥

秋雨頓寒偶書

羈懷不醉自昏昏臥對青燈獨掩門
沙雁帶寒來古澤林鳩催雨暗孤村
數椽蟹舍償初志九陌塵衣洗舊痕
自歎一生書裏活算年無力添

劔南詩藁

卷之廿二十二

汲古閣

黎元

新晴泛舟至近村偶得雙鯪而歸

秋風一夜老汀蘋剡曲稽山發興新
青嶂會爲身後塚扁舟聊作畫中人
園林搖落知寒早父老逢迎覺意真
歸舍不妨成小醉眼明細柳貫霜鱗

上書乞祠輒述鄙懷

干祿本代耕窮達敢自必早遇高皇帝
九品對

宣室妄懷犬馬心，發緯不暇恤上恩。等天地腰
領免斧鑕，旋屬紹興末。暘谷瞻出日，賤臣復何
幸。便殿首造膝，煌煌帝堯典。推擇首秉筆，愚忠
雖懇款。野性實坦率，飄然去周行。湖海抱沉疾，
遠遊客窮塞。亭障秋蕭瑟，聖君終記省。萬里忽
棄馭，同朝久凋謝。存者不十一，造廷故抱暗。下
殿衰涕溢，蹉跎又十載。憂患豈易述，流年不貸
人。白髮日夜密，冠雖未卽挂。馭已不容叱，尙覬
劔南詩橐。

卷之廿
二十三

汲古閣

公朝恩養老，霑散秩閉門。教子孫志願，眞永畢。

泛湖上雲門

三百里湖秋渺然，是間可以著釣舩。浩歌莫過

石帆下，爛醉夜泊樵風邊。

樵風湮在若耶
溪鏡湖之間

茫茫

沙月忽側墮，裊裊山氣時孤騫。冥鴻遠舉謝斯
世，白鷗自放全其天。幽棲幸脫市朝械，捷徑邗
著功名鞭。人生各自適意耳，稷禹巢許知誰賢。

世態秦欺楚交情越視秦寧教待甦乳不耐望
車塵書積高圍坐花繁亂插巾那須散人號已
是葛天民

枕上作

寒夜臥林廬蕭然適有餘蟲悲號壞壁燈暗守
殘書養拙天知我安貧老似初雖非漆園吏也
作蝶遽遽

老病無復宦情或者疑焉作此示之

劔南詩藁

卷之廿
二十四

汲古閣

病思蕭條豈獨今十年前已鬢霜侵舊交畧盡
形吊影薄宦宜休口語心老驥已甘當伏櫪窮
猿況是急投林別君徑入亂雲去後日相思何
處尋

拄杖

放翁拄杖具神通蜀棧吳山興未窮昨夜夢中
行萬里蓮華峰上聽松風

北望

北望中原淚滿巾，黃旗空想渡河津。丈夫窮死由來事，要是江南有此人。

歲晚感懷

利名爭奪兩皆非，生世寧殊露易晞。老冉冉來誰獨免，冢纍纍處會同歸。聽歌莫惜終三疊，縱獵何妨更一圍。醉臥日高呼不醒，笑人霜曉束朝衣。

大雨中作

劔南詩藁

卷之廿二十五

汲古閣

北風撼山勢岌岌，老夫倚杖檐前立。貪看白雨掠地風飄灑，不知衣盡溼。當年入朝甫三十，丈夫胡塵叩江急。屬聞蠟彈遣檄書，亟壞布裳縫袴褶。卽今白髮不可數，破屋頽垣窘風雨。汝生汝死問者誰，人雖不問心自悲。

繫舟平水步

舟尾參差野岸橫，屐聲穿市得閑行。雨昏茆店炊煙溼，人語蓬窗績火明。枝上橙香初受摘，擔

頭菰脆正堪烹漁樵自是平生意不爲衰遲薄
宦情

初到行在

六十之年又四年也騎瘦馬趨朝天首陽柱下
孰工拙從事督郵俱聖賢筆墨有時閑作戲功
名到底是無緣都城處處園林好不許山翁醉
放顛

還都

劔南詩藁

卷之廿
二十六

汲古閣

平生薄名宦所願得早休奔走三十年鏡中霜
鬢秋歸踏長安道恍然皆舊遊處處見題名始
驚歲月適西湖隔城門放浪輸白鷗當時見種
柳已足繫巨舟挂冠當自決安用從人謀勿以
有限身常供無盡愁

宿監中偶作

流落歸來兩鬢絲此生真媿北山移數殘宮漏
寒無寐開盡梅花病不知同舍破甘醒宿酒故

人折簡索新詩生涯可笑清如許枉是京塵撲

馬時

譚德稱有簡催和詩

四鼓出嘉會門赴南郊叁宮

客遊梁益半吾生不灰還能見太平初喜夢魂

朝帝所更驚老眼看都城九重宮闕晨霜冷十

里樓臺落月明白髮蒼顏君勿笑少年慣聽舜

韶聲

題張野夫監簿大招圖

劔南詩彙

卷之廿二十七

汲古閣

此生只合老漁樵扶病誰令趁早朝開卷未終

三太息羈魂零落恐難招

簡譚德稱監丞

廣都江上送舟行淚灑春風別少城冉冉幾經

新歲律依依猶有舊交情塵冠當挂彈何用革

帶頻移瘦自驚剝欲約公風雨夜一燈相對話

平生

致齋監中夜與同官縱談鬼神效宛陵先

生體

五客圍一爐夜語窮幻怪或誇雷可斫或笑鬼
可賣或陳混沌初或及世界壞或言修羅戰百
萬起睚眦餘談恣搜抉所出雜細大風雲墮皮
憤幽坎窺鐵械羣號起古聚孤泣出空解妖狐
冠髑髏掩袂弄姿態空韉伏逸囚夜半出竊噉
雖云多聞益頗犯綺語戒不如姑置之投枕休
困憊叨當掛祠衣僕僕愁亟拜

劔南詩豪

卷之廿
二十八

汲古閣

夜歸

飲酒不盡觴觀棊不竟局索馬踏街鼓仰視月
挂木疾馳沿河隄不記幾坊曲到家四鄰寂往
往睡已熟天香餘裊裊佛燈猶煜煜中庭雖一
席緩步意亦足寒犬吠荆籬棲鵲起叢竹市聲
從北來始覺非林谷却尋西窗書開卷剪殘燭
官閑居夏遠一笑謝羈束

次韻鄭唐老

宦遊早日闕相聞一面那知乃爾勤
秋釣清灘方入夢曉穿細仗又逢君
驟看落筆驚風雨便擬同舟臥水雲
作意歸休還會否算年無力起斯文

五鼓赴太社臘祭

霜寒裂屋瓦月白射坊門
病骨愁看影孤吟怯斷魂
飢鷹掣羈縲老馬伏車轅
不奈清宵夢殘蕪滿故園

劔南詩藁

卷之廿二十九

汲古閣

己酉元日

夜雨解殘雪朝陽開積陰
桃符呵筆寫椒酒過花斟
巷柳搖風早街泥濺馬深
行宮放朝賀某識慕堯心

以亮陰免賀禮

送潘德久使薊門

崑崙東分一枝渾犇蹴砥柱
經龍門羲皇受圖撫上古神
禹治水開中原三靈實扶藝
祖業萬國莫仰東都尊羣兒
撞壤吁可歎顧使殘虜今

遊魂回君試求出師路孟津白馬應如故不須
更議繫河橋北風正可柰水渡頗聞盧龍已數
盡復道飛狐合屯戍轅門倘駐拂雲祠烽火應
過剛妃墓君歸解鞍藉芳草細談塞北忘予老
讀書飲酒待賊平萬丈旄頭方下掃

我夢

我夢入煙海初日如金鎔赤手騎怒鯨橫身當
渴龍百日京塵中詩料頗闕俟此夕復何夕老
劍南詩豪

卷之廿
三十一

汲古閣

狂洗衰慵夢覺坐歎息杳杳三茆鍾車馬動曉
陌不竟睡味濃平生擊虜意裂背髮上衝尚可
柰一障憑堞觀傳烽

晨起有感

痛飲可以豪謝病可以高計之顧不審老與世
俗麀丈夫本自許四十擁旌旄上馬不回顧賊
穴窮腥臊涓橋耻未雪孰謂弓可橐此志竟悠
悠徂歲行滔滔一官客長安燭下束弊袍豈惟

歎龍鍾行恐悲君蒿吾曹議古人後亦觀吾曹
浮雲易變滅公議終堅牢

南省宿直

檐角參差散暮霞重門鎖斷市聲譁風經綠樹
鴉棲穩月入空廊柱影斜藤紙靜臨新獲帖銅
瓶寒浸欲開花誰知今夕幽窗夢又撈扁舟上
若耶

又

劔南詩橐

卷之廿
三十一

汲古閣

頽然靜對北窗燈識字農夫有髮僧但遣奚奴
持古錦何須侍史護青綾塵埃奔走無由息疾
病侵陵不自勝猶喜眼中多壯觀時看雲海化
鯤鵬

劔南詩橐卷第二十

劔南詩彙目錄

卷第二十一

夜歸埽街巷書事 馬上作 行在春晚

有懷故隱 儀曹直廬 讀書 小昭慶

院講僧舊在都下與之相從今沒已久見

画像於院中作詩吊之 晨入省中偶書

春晚 觀潮 新晴馬上 過六和塔

前江亭小憩 春夕睡覺 送霍監丞出

劔南詩彙

卷廿一日

汲古閣

守盱眙 寄題徐載叔秀才東莊 入省

出省 和周元吉右司過弊居追懷南

鄭相從之作 尤延之侍郎屢求作遂初

堂詩詩未成延之去國因以奉送 送張

野夫寺丞牧滁州 史院書事 病中數

辱曾無逸架閣見問今日忽聞徙居走筆

奉簡因致卜鄰之約 喜楊廷秀祕監再

入館 次韻和楊伯子主簿見贈 簡何

同叔 去國待潮江亭太常徐簿宋卿載

酒來別 醉中作行草數紙 雪夜小酌

卽事 到家旬餘意味甚適戲書 雨

後復小雪 鯉魚行 雪夜作 晨起

野饋 醉中浩歌罷戲書 朝雨 春雨

二首 記夢 野興 二首 杭湖夜歸 二首 或

問余近况示以長句 估客有自蔡州來

者感悵彌日 二首 初夏郊行 重午 夏

劔南詩藁

卷廿一日

汲古閣

日 睡起見楊花滿庭偶書 梅雨 醉

歌 醉書秦望山石壁 秋夜 夜意

蝸廬 予十年間兩坐斥臯雖擢髮莫數

而詩爲嘗謂之嘲詠風月旣還山遂以風

月名小軒且作絕句 二首 題梅漢卿醉經

堂 得親舊書問近况以詩代書報之

放逐 月下野步 自詠 午睡起遇急

雨 夜雨暴至 睡起作帖數行 新秋

秋興

首二

幽居

山居食每不肉戲作

自笑

世上

夜歸偶懷故人獨孤景

畧

秋夜自近村歸

夜聞蟋蟀

秋夜

風雨暴至

月下小酌

鄰曲有未飯被

追入郭者憫然有作

吾廬

飲酒望西

山戲詠

小院

發篋得故人書有感

秋光

晚秋風雨

幽居

首二

其故山

首四

秋晚弊廬小葺一室過冬欣然有作

小

劔南詩藁

卷廿一日

汲古閣

室晚酌

冬晚山房書事

首二

村居日飲

酒對梅花醉則擁紙衾熟睡甚自適也

山居疊韻小寓歎

首三

劔南詩藁目錄

卷二

目

山居食每不肉戲作

劔南詩彙卷第二十一

夜歸博街巷書事

近坊燈火如晝明十里東風吹市聲遠坊寂寂
門盡閉只有煙月無人行誰家小樓歌惱儂餘
響縹緲縈簾櫳苦心自古乏真賞此恨略與吾
曹同歸來空坐臥淒冷燈前病骨嶢嶢影獨吟
古調遣誰聽聊與梅花分夜永

馬上作

劔南詩彙

卷之廿一

汲古閣

三十年前客帝城城南結騎盡豪英湖山冷落
悲陳迹文字流傳付後生衰老夏禁新臥病塵
埃時拂舊題名馬頭風捲飛花過又得殘春一
日晴

行在春晚有懷故隱

老辱明時乞一官逢春惆悵獨無歡舊人零落
北音少市肆蕭疎民力殫歸計已栽千箇竹殘
年合挂兩梁冠石帆山路頻回首箭茁蓴絲正

滿樂

儀曹直廬

春晚氣始和微雲淡朝陽開軒面小庭露漬蓄
薇香遊絲卷欲盡忽復百尺長而我正遺事枕
藉書一牀讒波雖稽天未遽妨人狂惟當傾綠
酒莫待熟黃梁

讀書

兩兩星躔九九車天津笑我醉騎驢床頭正可
劔南詩橐

卷之廿一

汲古閣

著周易架上何妨抽漢書幸有古人同臭味不
嫌兒子似迂疎頽然白髮雖堪鄙耐事禁愁却
有餘

小昭慶院講僧舊在都下與之相從今沒
已久見画像於院中作詩吊之

曩歲曾陪夜講燈伏犀插腦齒如冰假令重見
應難識遺像癯然一老僧

晨入省中偶書

清風拂画簾初日照素壁花枝蝶小憩草葉露
時滴房櫳闌無人溝水聲激激摩挲語枯筇伴
我住幽寂

春晚

今年病過春得健春欲盡夏堪風雨橫紅溼棲
綠潤一笑本自難造物復爾各榆莢堆平堦柳
絮飛作陣塵埃生破榼霜雪滿衰鬢平生慕陶
謝著語終不近

劔南詩藁

卷之廿一

汲古閣

觀潮

送劉監至
江上作

江平無風面如鏡日午樓船帆影正忽看千尺
涌濤頭頗動老子乘桴興濤頭洶洶雷山傾江
流却作鏡面平向來壯觀雖一快不如帆映青
山行嗟余往來不知數慣見買符官發渡雲根
小築幸可歸勿爲浮名老行路

新晴馬上

一劔飄然萬里身白頭也復走京塵画樓酒旆

滴殘雨綠樹鶯聲催暮春絕塞勒回勳業夢流
年換盡市朝人此生安得常強健小艇湘湖自

采蓴

湘湖在
蕭山縣

過六和塔前江亭小憩

斷岸孤亭日暮時欄邊聊試葛巾欹偶觀挂席
乘潮快便覺懸車納祿遲痛飲相如無奈渴清
言叔寶不勝羸年來親友凋零盡惟有江山是
舊知

劔南詩彙

卷之廿一
四

汲古閣

春夕睡覺

破衫羸馬老黃塵人自衰遲歲自新積雨恐侵
春甲子昏燈嬾守夜庫印花枝影轉欹殘月鼻
鼾聲豪撼四鄰自笑功名猶有夢散關金鼓震
函秦

送霍監丞出守盱眙

淮浦鱗鱗浸碧天卽今誰料作窮邊空聞甌脫
嘶胡馬不見浮屠插霽煙亭障久安無檄到盃

觴頻舉有詩傳長城萬里英雄事應笑窮儒飽
書眠

寄題徐載叔秀才東莊

東莊乃藏書之所

次公醒狂何必酒直諒多聞俱可友萬籤插架
號東莊多稼連雲亦何有今年偶入長安城不
識貴人呼作卿南臺中丞埽榻見北門學士倒
屣迎郎官酸寒誰肯顧君來下馬談至莫東莊
雖富未可矜夏夏縱橫開武庫

劔南詩橐

卷之廿一
五

汲古閣

入省

點點輕花墮綠盃翩翩羸馬犯黃埃眼邊好句
等閑過夢裏故人時一來玉塞請行狂故在霜
髭自照老相催今朝涼冷文書少隱几南窗聽
轉雷

出省

五更東帶聽朝雞出省還家日已西酒市雨餘
青旆重河橋風爽紫驪嘶久慙旅飯糜倉粟常

憶新橙擣膾壘萬事似棋聊爾耳年來著數不
勝低

和周元吉右司過弊居追懷南鄭相從之

作

梁益東西六十州大行臺出北防秋閱兵金鼓
震河渭縱獵狐兔平山丘露布捷書天上去軍
諮祭酒幄中謀豈知今日詩來處日落風生蘆
荻洲

劔南詩藁

卷之廿一
六

汲古閣

尤延之侍郎屢求作遂初堂詩詩未成延
之去國因以奉送

印何纍纍綬若若只堪人看公何樂忽然振施
開布颿慰滿平生一丘壑遂初築堂今幾時年
年說歸真得歸異書名刻堆滿屋欠伸欲起遭
書圍捨之出遊公豈誤綠髮朱顏已非故請將
勲業付諸郎身踐當年遂初賦

送張野夫寺丞牧滁州

皇天方憂九州裂建隆真人仗黃鉞陣雲冷壓
清流關賊壘咿嚶氣如髮逋誅猾虜入檻車北
風吹乾草頭血一龍上天三百年舊事空聞遺
老說金印斗大誰作州公子玉面蒼髯虬賦詩
健筆挾風雨論兵辯舌森戈矛別君帳飲灞橋
頭長歌爲君寬旅愁戰場遺迹儻可畫尺素寄
我關河秋

史院書事

是日丞
相過局

劔南詩藁

卷之廿一
七

汲古閣

信史新修稿滿床牙籤黃帕帶芸香中人馳賜
初宣旨丞相傳呼早出堂皇祖聖謨高萬古諸
賢直筆擅三長孤臣曾趣龍墀對白首爲郎只
自傷

紹興辛巳嘗蒙恩賜
對今三十九年矣

病中數辱會無逸架閣見問今日忽聞徙

居走筆奉簡因致卜鄰之約

病羸不辦攬衣迎剝啄空慙扣戶聲凡藥豈能

驅二豎清心幸足制三彭巷南僦屋儻可問歲

晚囊衣吾亦行不爲朝天愁路澀夜窗燈火要
尋盟

喜楊廷秀祕監再入館

公去蓬山輕公歸蓬山重錦囊三千篇字字律
呂中文章實公器當與天下共吾嘗評其妙如
龍馬受鞶燕許亦有名此事恐未夢嗚呼大厦
傾孰可任梁棟願公力起之千載傳正統時時
醉黃封高詠追屈宋我如老蒼鶻寂莫愁獨弄
劔南詩藁

卷之廿一
八

汲古閣

杖屨勤來遊雪霽梅欲動

次韻和楊伯子主簿見贈

齋戒叩頭牋天公幸矣使我爲枯蓬枯蓬於世
百無用始得曠快爽秋風此生安往失貧賤白
髮蕭蕭對黃卷今人雖鄰有不覲古人却向書
中見援啼月落青山空舊隱夢寂息東蒙不願
峨冠赤墀下且可短劔紅塵中終年無人問良
苦眼望青天惟自許可憐對酒不敢豪它日空

澆墳上土文章最忌百家衣
火龍黼黻世不知誰能養氣塞天地
吐出自足成虹蜺渡江諸賢骨已朽
老夫亦將正丘首杜郎苦瘦帽撇耳程
子久貧衣露肘君復作意尋齊盟豈知
衰懦畏後生大篇一讀我起立喜君得法
從家庭鯤鵬自有天池著誰謂太狂須束
縛大機大用君已傳那遣老夫安注脚

杜輿伯高程有徽文若皆近以詩文得名於諸公而

尤與予善

劔南詩橐

卷之廿一九

汲古閣

簡何同叔

白髮都門客青燈夜雪時
盡捐塵世事細看月湖詩
格律冰霜敵襟懷猿鶴知
吾儕端後死此事要深期

去國待潮江亭太常徐簿宋卿載酒來別

昨解魚符已徑歸偶隨尺一起柴扉暫畱已媿
黔吾突久住空令緇客衣外物紛紛何足問故
人眷眷莫相違從今再見應無日長與沙鷗共

釣磯

醉中作行草數紙

還家痛飲洗塵土醉帖淋漓寄豪舉石池墨瀋
如海寬玄雲下垂黑蛟舞太陰鬼神挾風雨夜
半馬陵飛萬弩堂堂筆陣從天下氣壓唐人折
釵股丈夫本意陋千古殘虜何足膏礎斧驛書
馳報兒單于直用毛錐驚殺汝

雪夜小酌

劔南詩橐

卷之廿一
十

汲古閣

黃昏雲齊雪意熟二夏雪急聲簌簌地爐對火
得奇溫兔醢魚鱗窮旨蓄引盃且作稿面紅脫
帽不管衰鬢禿浩歌三終徐自和藏書萬卷方
盡讀從來本不擇死生況復區區論禍福雪晴
著屐可登山與子一放千里目

卽事

墜壁編茅養病翁五更擁褐聽霜風老雞棲冷
啼偏早宿火灰深撥更紅知我向來惟斷簡會

心終竟在孤蓬東歸已賣腰間劔魯叟從今不
諱窮

到家旬餘意味甚適戲書

天恐紅塵著脚深不教經歲去山林欲爾清淨
三生願先洗功名萬里心石鼎颺颺閑煮茗玉
徽零落自修琴晚來刺有華胥興臥看西窗一
炷沉

雨後復小雪

劔南詩藁

卷之廿一
十一

汲古閣

雨雪來無已冬春忽欲交賤貧安淡薄老鈍耐
譏嘲村酒兒能取農書手自鈔算年真箇嬾屋
漏旋添茆

鯉魚行

鯉魚財三尺淺水不覆脊雖懷江湖樂已歎刀
几赤長鯨之長幾千丈雪蹴山傾萬重浪縱遊
不厭滄海寬一躍已在青天上身世局促古所
哀險喁貪餌胡爲哉人間溝瀆莫更顧夜半變

化藥風雷

雪夜作

雪重從壓竹竹折有奇聲雪深亦莫埽小窗終
夜明我老尚耐冷開卷對短檠龍茶與羔酒得
失不足評但息被重鎧夜入蔡州城君勿輕癯
儒有志事竟成

晨起

倦枕廉纖雨幽窗料峭寒溪柴旋篝火野藪鬪

劔南詩藁

卷之廿一
十一

汲古閣

登槃年老衣冠古身閑宇宙寬兒孫生我笑趨

揖已儒酸

鄉市小把柴謂之溪
柴蓋自若耶來也

野饋

經年倉粟厭陳陳天遣香杭饋野人黃耳輩生
齋鉢富白頭韭出客盤新生不復營三釜一
飽何曾羨八珍尚媿古來高士在盃羹無糝甑
生塵

造物小兒如我何，還家依舊一漁蓑。
穿雲逸響蘇門嘯，卷地悲風易水歌。
老眼閱人真爛熟，壯心得酒旋消磨。
傷觀虛作窮愁想，點檢霜髯却未多。

朝雨

中夜星照泥平，旦雲行西小屋古。
澤中天昏雨淒淒，避溼升我堂。
垂翅閔老雞，所欣園中蔬。冒土青滿畦，門無今雨客。
路滑愁長堤，一盃且復劔南詩。
橐睡物理何足齊。

卷之廿一
十三

汲古閣

春雨

苦雨何時止，微雲又作陰。
傍簷時小立，隱几復微吟。
枝重殘紅濕，隄平漲綠深。
物華元自好，老病負登臨。

又

春愁無處避，春雨幾時晴。
黯黯陰連月，蕭蕭滴到明。
窗昏減書課，弦緩咽琴聲。
何以娛幽獨，新

酷手自傾

記夢

夢裡都忘兩鬢殘恍然白紵入長安
硯教紙熟修溫卷儘得驢騎候熱官
紅葉滿街秋著句青樓燒燭夜追歡
如今萬事消除盡老眼摩挲靜處看

野興

紅飯青蔬美莫加鄰翁能共一甌茶
舍西日緊劔南詩藁

卷之廿一
十四

汲古閣

花房斂港北風生柳脚斜筇杖不妨閑
有伴茆簷終勝老無家自驚七十猶強健
采藥歸來見算鴉

又

鬢邊莫笑久星星造物常鍾我輩情
每帶餘醒蹋花影又和殘夢聽鶯聲
軒窗風過書籤亂洲渚潮生釣艇橫
韓子未除豪氣在文章都待不平鳴

杭湖夜歸

管如架上九秋鷹今似窗間十月蠅無復索韉
思出塞不妨粥飯略同僧白蘋洲晚初回櫂綠
樹村深已上燈莫謂陶詩恨枯槁細看字字可
銘膺

又

野艇迢迢信所之歸來常及欲昏時陂塘煙重
怨姑惡林薄月明悲子規出谷寺鐘初縹緲穿
劔南詩橐

卷之廿一
十五

汲古閣

籬績火已參差欣然笑向麈門說又了浮生一
管詩

或問余近況示以長句

天亦知予嬾是真算年乞與自由身幽尋東浦
鷺迎櫂獨臥北窗鸞喚人野卉滿頭狂取醉草
廬容膝樂忘貧死時是處堪藏骨不用要離夏
作鄰

估客有自蔡州來者感悵彌日

洮河馬死劔鋒摧綠髮成絲每自哀幾歲中原
消息斷喜聞人自蔡州來

又

百戰元和取蔡州如今胡馬飲淮流和親自古
非長策誰與朝家共此憂

初夏郊行

小硯孤吟恐作愁長堤曳杖且閑遊破雲山踴
千螺翠經雨波涵一鏡秋
粧妝青紅村步市闌
劔南詩橐

卷之廿一
十六

汲古閣

千高下寺家樓去年此日君知否十丈京塵沒
馬頭

重午

葉底榴花感絳繒街頭初賣苑池水

會稽不藏
水賣者皆

自行
在來

世間各自有時節蕭艾著冠稱道陵

夏曰

赤日黃塵襍穢忙放翁湖上獨相竿竹梢露滴
驚殘夢荷蓋風翻送早涼暑用酒逃猶有待熱

憑靜勝夏無方空齋一榻翛然臥閑看衣篝起
篆香

睡起見楊花滿庭偶書

斷香裊裊傍窗紗睡起曹騰日未斜堪歎一春
風雨惡今年四月見楊花

梅雨

沐罷斜簪二十冠斷雲殘靄暗江干絲絲梅子
熟時雨漠漠楝花開後寒剝采芸香辟書蠹旋
劔南詩藁

卷之廿一
十七

汲古閣

春麥麩續家餐日長倦睫惟思閉茗椀真須抵
死寬

醉歌

讀書三萬卷仕宦皆束閣學劔四十年虜血未
染鏑不得爲長虹萬丈掃寥廓又不爲疾風六
月送飛電戰馬歛槽櫪公卿守和約窮邊指淮
澗異域視京雒於乎此何心有酒吾忍酌平生
爲衣食歛版靴兩腳心雖了是非口不給唯諾

如今老且病鬢禿牙齒落仰天少吐氣餓死實
差樂壯心理不朽千載猶可作

醉書秦望山石壁

秋雨初霽開長空夜天無雲吐白虹擘波浴海
出日月破山卷地驅雷風崑崙黃流瀉浩浩太
華巨掌摩穹穹平生所懷正如此拜賜虛皇稱
放翁放翁七十飲千鍾耳目未廢頭未童向來
楚漢何足道真覺萬古無英雄行窮禹迹亦安
劔南詩藁

卷之廿一
十八

汲古閣

往聊俗曠快洗我胃濤瀾屢犯蛟鱔怒澗谷或
與精靈逢黃金鑄就決河塞倅獻頡利長安宮
不如醉筆掃青嶂入石一寸豪健驚天公

秋夜

藥餌扶衰疾琴書返故園陶公方止酒樂令且
清言煙鳥宿沙際露螢明草根塵葛不到處此
意與誰論

夜意

孤夢初回夜氣清世塵掃盡覺心平月沉洲渚
漁歌遠人語比隣績火明獨汲寒泉鳴細縷靜
聽漏鼓下高城悠然坐待東方白却看軒窗淡
日生

蝸廬

小葺蝸廬便著家槿籬莎徑任欹斜爲生草草
僧行脚到處悠悠客泛槎孤蝶惜衣晴曝粉穉
蜂貪蜜晚爭花有書懶讀吾堪愧睡起何妨自

劔南詩藁

卷之廿一
十九

汲古閣

磴茶

予十年間兩坐斥臯雖擢髮莫數而詩爲
嘗謂之嘲詠風月旣還山遂以風月名小

軒且作絕句

扁舟又向鏡中行小草清詩取次成放逐尙非
餘子比清風明月入臺評

又

綠蔬丹果薦瓢尊身寄城南禹會村連坐頻年

到風月固應無客叩吾門

題梅漢卿醉經堂

它人爛醉錦瑟傍君獨醉心編簡香沉酣骨髓
春盎盎如枕麴蘖羅盃觴三萬牙籤插高架五
千黃卷撐枯腸信哉名教有樂地白首不入無
功鄉

得親舊書問近況以詩代書報之

溪頭日日弄潺湲敢料餘生竟得全白簡免勞

劔南詩藁

卷之廿一
二十一

汲古閣

中執法青銅罷筭小行年花前一笑頻開口林
下深藏永息肩欲養金丹還嬾去身今已是地
行仙

放逐

放逐雖慙處士高笑譚未減少年豪青山隨處
有三窟白首今年無二毛正得筇枝爲老伴盡
將書帙付兒曹飲酣自足稱名士安用辛勤讀

楚騷

月下野步

空中磊落斗跨天道旁荒寒月滿川行歌驚起
鷗鷺眠三萬里拄杖邊敲門索酒太華前飛
渡黃河不須船袖中短鐵青蜿蜒管曾巴丘從
老僊削平巘崖抉雲煙此妙可得不可傳雷聲
殷殷電煜然已覺遼碣無腥羶雪花如席登禩
連歸來却看東封年

自詠

劔南詩藁

卷之廿一
二十一

汲古閣

孤艇渺煙波衡門暗薜蘿衣冠醉學究

世有醉學究圖

毛骨病維摩撫几時長喟臨觴亦浩歌無勞問

蝸角蠻觸正橫戈

午睡起遇急雨

揩眼捫髯破晝眠闌邊小立獨幽然
敲花雨打無飛蝶高柳風驚有墮蟬
才畧本居元子下功名那計祖生先
今朝會意君知否目送飛雲揮

五絃

夜雨暴至

堂中虛窗雨氣入堂前
叢竹雨聲急山童束縵

走求火屋漏惟愁打書溼
秋風擺綆九千頃

自鏡

湖北際海墾地凡九千頃皆吾鄉上腴也

此夕真成傾玉粒
蹋歌作

社約比隣一飽今年可平揖

睡起作帖數行

睡餘得清風起坐傍書几
日長誰晤言賴此管

城子欣然笑游戲一笑我忘爾
羣鴻偶下集但

劔南詩藁

卷之廿一
二十一

汲古閣

怪驚不起古來翰墨事著意
更可鄙跌宕三十年一日造此理
不知筆在手而況字落紙三叫
投紗巾作歌識吾喜

新秋

短鬢蕭蕭失舊青
此身已看作郵亭
新秋無限淒涼意
盡付風蟬與露螢

秋興

去秋尚十日軒窗夕已涼
露草黏溼螢壞壁啼

寒齏丈夫志四海臨書慨以慷白髮忽如此惟
有歸耕桑藥餌且枝梧鄰曲相扶將豈無甕中
酒老病不能觴南山有歸處歲晚柏已行下從
吾親游此事歲月長

又

無食苦日長無衣念秋近雖云老農圃未害樂
堯舜士生要弘毅病在墮驕吝得喪纔幾何哀
哉以身徇平生最耐事霜雪亦滿鬢憂患一洗
劔南詩藁

卷之廿一
二十三

汲古閣

空吾道其少進

幽居

幽居人迹稀柴扉晝常掩小池清見底疎雨時
數點蟬嘒秋未衰花房算先斂老大固多傷年
華還冉冉

山居食每不肉戲作

谿友畱魚不忍烹直將蔬糲送餘生二升畬粟
香炊飯一把畦菘淡煮羹莫笑開單成淨供也

能捫腹作徐行秋來更有堪誇處日傍東籬拾落英

自笑

諸公衮衮幾金貂自笑無材負聖朝老氣醉中猶跌宕閑身夢裏亦逍遙舊書日伴吾兒讀薄飯時從野叟招病後秋衣須早製竹窗殘夜雨蕭蕭

世上

劔南詩藁

卷之廿一
二十四

汲古閣

世上悠悠東逝波金丹將奈鬢絲何牆頭楊柳知秋早窗外芭蕉受雨多伏櫪自應如老驥還鄉元欲借明駝吾棊一局千年事從使旁觀爛斧柯

夜歸偶懷故人獨孤景略

買醉村場半夜歸西山落月照柴扉劉琨死後無奇士獨聽荒雞淚滿衣

秋夜自近村歸

江頭浩歌天宇寬刺船歸來清夜闌女貞林黑
月未上姑惡聲悲村已寒不恨故交日零落本
知浮生難控搏頭童面槁更安往莫問傍人君
自看

夜聞蟋蟀

布穀布穀解勸耕蟋蟀蟋蟀能促織州符縣帖
無已時勸耕促織知何益安得生世當成周一
家百畝長無愁綠桑鬱鬱暗微徑黃犢叱叱行
劔南詩彙

卷之廿二
二十五

汲古閣

平疇荆扉績火明煜煜黍籠饁飯香浮浮耕亦
不須勸織亦不須促機上有餘布盎中有餘粟
老翁白首如小兒鼓腹擊壤相從嬉

秋夜風雨暴至

風聲掠野來瀕洞如翻濤雨聲集庭木桐葉聲
最豪殘暑一洗空凜然念絺袍秋穀已登場欲
忘終歲勞東舍捉鵝鴨西舍烹豚羔籬落開寒
花房櫳壓小槽貧賤何所歡樂歲成吾高却拾

牆角檠拂拭賀汝遭

月下小酌

草樹已秋聲郊原喜晚晴風生雲盡散天濶月
徐行下箸槎頭美傳盃甕面清追歡猶可勉徂
歲不須驚

鄰曲有未飯被迫入郭者憫然有作

春得香杭摘綠葵縣符急急不容炊君王曰御

金華殿誰誦周家七月詩

劔南詩藁

卷之廿一
二十六

汲古閣

吾廬

吾廬鏡湖上傍水開雲扁秋淺葉未丹日落山
夏青孤鶴從西來長鳴掠沙汀亦知常苦飢未
忍吞羶羶我食雖不肉七箸窮芳馨幽窗燈火
冷濁酒倒殘瓶

飲酒望西山戲詠

太白十詩九言酒醉翁無詩不說山若耶老農

識幾字也與二事日相關

小院

小院回廊夕照明放翁宴坐一筇橫銅匱暖徹
香初過鐵杵聲清藥欲成世事熟看無一可古
人不作與誰評新涼社酒家家熟便用陽狂了
此生

發篋得故人書有感

衰鬢星星換舊青世間萬事但堪驚晨炊欲熟
客未覺夜漏漸殘人尚行花發且爲無事飲詩

劔南詩藁

卷之廿一
二十七

汲古閣

成非復不平鳴京華朋舊凋零盡忽見緘題似
隔生

秋光

年年最愛秋光好病起逢秋合賦詩
人醉後孤燈初暗雨來時舊書細讀猶多味老
態相尋似有期早信爲農勝覓祿一生虛作虎

頭癡

晚秋風雨

儘道漁村陋秋來物色奇寒生沽酒興雨及種
花時狂舞欲誰屬清吟空自知茫茫宇宙內吾
道竟何之

幽居

白髮蕭蕭僅到肩一枝藤杖日翩躚草苫牆北
棲雞屋泥補橋西放鴨船心似枯葵空向日身
如病櫟孰知年放懷却有翛然處不養金丹不
學禪

劔南詩藁

卷之廿一
二十八

汲古閣

又

面面秋山擁翠屏天畱三畝著雲扃迎霜南阜
楓林赤飽雨西村菜甲青散策人驚衰後健浩
歌自覺醉中醒凌煙冠劔應無爾布帽帚襦老
管寧

故山

功名莫苦怨天慳一櫂歸來到死閑傍水無家
無好竹卷簾是處是青山滿籃箭茁瑤簪白壓

擔稜梅鶴頂殷野興盡時尤可樂小江煙雨趁

潮還

鏡湖

又

禹祠行樂盛年年繡轂爭先罨画船十里煙波
明月夜萬人歌吹早鸞天花如上苑常成市酒
似新豐不直錢老子未須悲白髮黃公壚下且

閒眠

禹祠

又

劔南詩藁

卷之廿一
二十九

汲古閣

老尉鴻飛隱市門千年猶有舊巢痕陸生於此

寓棋局

予二十年
前嘗寓居

曾丈時來開酒樽

曾丈謂
文清公

渺

渺帆檣遙見海冥冥蒲葦不知村數僧也復投

詩社零落今無一二存

梅山

又

落磻泉奔舞玉虹護丹松老臥蒼龍霜柑籬角

寒初熟野碓雲邊夜自舂挈榼人沽村市酒打

包僧趁寺樓鐘幽尋自是年來嬾枉道山靈不

見容 雲門

秋晚弊廬小葺一室過冬欣然有作

放翁畢竟合躬耕
剝喜東歸樂太平
碧瓦新霜寒尚薄
明窗嫩日雨初晴
素琴尋得無弦曲
野餉烹成不糝羹
更說市朝癡太絕
一湖秋水濯塵纓

小室晚酌

病不禁寒怯早霜
東坐隨事具盃觴
清時寬大

劔南詩藁

卷之廿一
三十

汲古閣

何妨醉白首
龍鍾未減狂
枝葉扶檠山果熟
鹽醃適野蔬
香興闌徑覓
華胥路枕藉
圖書滿一床

冬晚山房書事

山澤何妨老
太平巉巉骨相本
來清月明滿地
看梅影露下
隔溪聞鶴聲
未辨藥苗逢
客問欲
誦琴價約僧
評胡奴仁祖
今俱絕且學
湘纍拾菊英

又

屏迹山村病日增，烏皮几穩得閑凭。
凍雲傷水封梅萼，嫩日烘窗釋硯冰。
歲盡光陰饒袞袞，身閑醉夢且騰騰。
蠻童采藥歸來晚，客至從嗔喚不應。

村居日飲酒對梅花醉，則擁紙衾熟睡甚自適也。

江村歲晚掩柴荆，地僻久無車馬聲。
孤寂惟尋劔南詩藁。

卷之廿一
三十一

汲古閣

麴道士一寒仍賴楮先生，醉頭珠滴愁先破。
帳底春回夢易成，莫笑衰翁殺風景。
小瓶梅蘂解卿卿。

山居疊韻

禽吟陰森林，鹿伏樸檉木。
嗚呼吾徒愚僕僕，逐肉粟聯翩，憐鳶肩覆餽，速戮辱難還。
山間獨欲足畜牧，躋梯棲西谿，築屋宿北谷。
光芒常當

藏積玉觸俗目。

寓歎

心已忘斯世天猶活此翁
嫩湯茶乳白軟火地
爐紅課婢耘蔬甲呼兒下釣筒
生涯君勿笑聊足慰塗窮

又

久矣門無客高坐獨掩扉
敢言消壯志要是息
危機清露夜自滴孤雲寒不歸
晨炊勿關念更典篋中衣

劔南詩藁

卷之廿一
三十二

汲古閣

又

裘薄便冬暎簟空畏午飢
臨成乞米帖看入借
車詩學古心猶壯憂時語自悲
公卿闕自重社稷欲誰期



